



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### „ივერია“

„ივერია“, ჟურნალი (1949–91), საქართველოს ეროვნულ-დემოკრატიული პარტიის პერიოდული ორგანო. გამოდიოდა პარიზში. სულ გამოიცა 36 ნომერი. სხვადასხვა დროს მისი რედაქტორები იყვნენ: ე. პატარიძე, ს. ჭირაქაძე, მ. ქავთარაძე, ო. პატარიძე. სარედაქციო კოლეგიაში შედიოდნენ: გ. გაბლიანი, გ. ზალდასტანიშვილი, ა. მანველიშვილი, გ. პატარიძეუროტაძისა, ჯ. კაშია. მათთან ერთად ჟურნალთან თანამშრომლობდნენ რ. ივანიცკი-ინგილო, შ. კალანდაძე, ა. ს. ასათიანი, რ. გაბაშვილი. მრავლისმომცველია „ი-ის“ ბეჭდვითი პროდუქცია. საყურადღებოა შემდეგი წერილები: ს. ჭირაქაძე, „სპირიდონ კედიას მოღვაწეობა“ (N1, 1949); რ. ინგილო, „ეკლესია და სახელმწიფო“ (N2, 1949); „შოთა რუსთაველის საფლავი იერუსალიმში“ (გ. სვეტის წერილი, თარგმნილი გ. აბულაძის მიერ; N9, 1961); შ. კალანდაძე, „გრიგოლ რობაქიძის ხსოვნას“ (N10, 1963); გ. გაბლიანი, „მეორე მსოფლიო ომი და ქართველები“ (N24, 1981); ა. მანველიშვილი, „რუსეთის ორიენტაცია“ (N27, 1984); ჯ. კაშია, „სტალინიზმის არსება“ (N29, 1986); მ. ქავთარაძე, «ჩვენი დროის „სიბრძნე სიცრუისა“» (N12, 1966). ჟურნალის ნომრები ინახება გ. შარაძის კერძო კოლექციაში, ივ. ჯავახიშვილის სახ. თსუ-ის ქართ. ემიგრაციის მუზეუმში.

ლიტ.: შ ა რ ა ძ ე გ., უცხოეთის ცის ქვეშ, წგ. 3, თბ., 1993.

**თ. დოლიძე**

---